

# Powšitkowne WOZJEWJENJA

njedźelu, 14. měrca 2021

## Wusyłanje Božeu mšow

Serbskorěčnu Božu mšu móža wěriwi tutu njedźelu, 14. měrca, znova jako livestream w interneće scěhować. Dopoldnja w 9 hodź. přenjese so wona z Chróšćanskeje, dalša hižo we 8.30 hodź. z Kulowskeje cyrkwyje. Linkaj stej pod [www.posol.de](http://www.posol.de) wozjewjenej.

## Terminaj dekanatneje młodžiny

Dekanatne dušepastyrstwo za młodžinu přeprašuje młodostnych na zhromadnu vesper sobotu, 20. měrca, w 20 hodź. do Ralbic. Křižowy puć modla so młodostni bołmončku, 28. měrca, w 14 hodź. we Wotrowje. Wšitcy su wutrobnje přeprašeni.

## Swójbna Boža mša

Na Božu mšu su swójby pjatu póstnu njedźelu, 21. měrca, w 9 hodź. do Róžanta na łuku za cyrkwu přeprašene. Za tute kemše plaća samsne hygieniske naprawy kaž w cyrkwi, mjez druhim wužiwanje nahubnika a dodźerženje wotstawka. Při špatnym wjedrje zhromadna Boža mša w Róžeńće njebudže, runje tak nic, jeli to pandemijowych wobstejnosćow dla móžno być njedyrbjało. Rozsud, hač wone budu, wozjewi so sobotu, 20. měrca, připołdnju pod [www.posol.de](http://www.posol.de).

## Kolokwij k cyrkwi w diasporje

Na onlinowy kolokwij k temje „Puće – wuhotuja – profile. Katolska cyrkej w sakskej diasporje“ přeprašujetej Drježdźansko-Mišnjanske biskopstwo a Institut za sakske stawizny a ludowědu. Zarjadowanje z přednoškami a diskusiju wotměje so wot štwórtka do soboty, 18. do 20. měrca, přez platformje Zoom za přednoški a diskusiju kaž tež Wonder za rozmołwy w přestawkach. Mjez druhim přednošujetej dr. Lubina Malinkowa z Rakec k temje „Serbscy měšnicy – słowjancy dušepastyrjo. Natwar wosadow w Sakskej mjez antislawizmom a kulturnym transferom“ a farar dr. Hans-Friedrich Fischer z Wilniusa. Wón poda prašenja a mysle na zakładže njewozjewjeneho manuskripta „Z mojeho žiwjenja“ Josefa Güldena. Přizjewjenja za wobdźělenje na kolokwiju su trěbne. Link k tomu je pod [www.posol.de](http://www.posol.de) wozjewjeny. Tam nańdu zajimcy tež kompletny program.

## Zwukowe dožiwjenje

Na spirituelnu zwukowu instalaciju wo psalmje 23 přeprašuje Rakečanska ewangelsko-lutherska wosada do tamnišeje cyrkwyje. Trójce wob hodžinu je słyšeć psalm 23 wo dobrym pastyrju w modernym wobdźělanju. Swětłowe efekty tekst wudospolnjeja. Projekt wuwil a zwoprawdził je tamniši Pawołski chór. Wopytowarjo móža so w cyrkwi pohibować a dožiwja tak 15mjeńšinsku instalaciju ze wšelakich perspektiwow. Boži dom je wšědnje wot 9 do 19 hodź. přistupny.

## Film wo misionje před 20 lětimi

Film wo zakónčacym nyšporje Chróšćanskeho wosadneho misiona w léće 2001 je w interneće přistupny. Lětsa je tomu dwaceći lět, zo přewjedžechu přeni raz misionarajo z rjadu oblatow bjezhřešneje knježny Marije mision we Łužicy. Zestajał bě něhdže poł hodžiny trajacy film Franc Šořta. Link na njón je pod [www.posol.de](http://www.posol.de) wozjewjeny.